



Bosna i Hercegovina  
Federacija Bosne i Hercegovine  
Srednjobosanski kanton/Kanton Središnja Bosna  
Kantonalno tužilaštvo Srednjobosanskog kantona/Kantonalno  
tužiteljstvo Središnja Bosna  
Travnik

Broj: T06 0 KT 0037806 25  
Travnik, 05.01.2026. godine

KANTONALNI SUD U NOVOM TRAVNIKU  
- Sudija za prethodno saslušanje -

**Potvrđena dana 09.01.2026. godine**

Na temelju odredbe člana 45. stava 2. tačka i) i člana 241. stava 1. Zakona o krivičnom postupku Federacije Bosne i Hercegovine, podižem

### OPTUŽNICU

**Protiv:**  
**Almir Bašić**

Rješenjem Kantonalnog suda u Novom Travniku određen pritvor, koji je produžen po Rješenju Kantonalnog suda u Novom Travniku trajao do 25.09.2025. godine.

### **Zbog postojanja osnovane sumnje da bi:**

Dana 28.06.2025. godine oko 08,00 sati, u ulici Poriče bb, općina Bugojno, za vrijeme boravka u ugostiteljskom objektu „Noćni bar kod Amira“, pokušao drugoga lišiti života, tako što je u stanju alkoholiziranosti od 1,53 % promila alkohola u krvi nakon prethodnog verbalnog i fizičkog sukoba koji je nastao između Almira Bašić i A. B. na jednoj strani, te I. F., I. F. i drugih prisutnih gostiju na drugoj strani, nakon što je sukob prestao otišao do svog putničkog motornog vozila marke „Passat“ odakle je uzeo šarafciger, te u namjeri da liši života drugog svjestan da se radi o opasnom predmetu kojim drugog može usmrtiti, što je i htio, zamahujući rukom u kojoj je držao križasti šarafciger dužine 23 cm, od čega je metalni dio 13 cm plavo-crne boje sa natpisom „Fixtec“ prema A.M. koji je stajao na ulaznim vratima navedenog ugostiteljskog objekta pokušavajući ga smiriti i spriječiti da uđe, istom zadao ubodnu ranu u lijevu stranu vrata uslijed čega je oštećeni zadobio teške tjelesne povrede u vidu ubodne rane, koja se svojim ubodnim kanalom pruža u smjeru s lijeva udesno i vjerojatno nadolje kroz mekotiivne strukture vrata završavajući se u prostoru gornjeg dijela desne prsne duplje sa sljedstveno nastalim prodorom zraka pod kožu vrata, u tkivo sredogruda te u prostor desne prsne duplje, a odmah potom je A. A. koji se nalazio u neposrednoj blizini osumnjičenom izbio šarafciger iz ruke, dok su ga drugi prisutni gosti fizički svaladali, te je spriječen u daljim radnjama, dok je oštećeni zbog zadobivenih povreda opasnih po život upućen na liječenje na Klinički centar Univerziteta Sarajevo u Sarajevu.

Dakle, sa namjerom pokušao drugog usmrtili.

**Čime je počinio krivično djelo pokušaj „Ubistvo“ iz člana 166. stav 1. KZ FBiH u vezi sa članom 28. istoga Zakona.**

KANTONALNA TUŽITELJICA

**Poštovani predstavnici medija, molimo Vas da prilikom prenošenja vijesti imate u vidu da osobe, na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.**